



Video atorlugu meeqqanik oqimaatsunik oqaloqatiginnissanut ilitsersuusiaq

Red Barnet Grønland/Kalaallit Nunaanni Meeqqat Ikiortigit Isumaginninnermut Aqutsisoqarfik peqatigalugu videomik nutaamik Tusarnaarpakkit-mik ateqartumik saqqummiussaqqarpoq. Taanna videoliatut ilitsersuusiaq angajoqqaat pineqartunullu sammisunik suliaqartutut meeqqanik persuttarneqarlutilluunniit atornerlunneqarsimasunik oqimaatsunik oqaloqateqartarnissaannut ikiuutaasinnaasutut suliaavoq.

Red Barnet Grønland aammalu Isumaginninnermut Aqutsisoqarfik videomik sanatitsipput meeqqat peersuttarneqarsimallutilluunniit kinguaassiutimikkut atornerlunneqarsimasut qanoq oqaloqatigineqarnissaannut ilitsersuutaasumik. Suliarineqartumi pingaartissimavarput taassuma meeqqanikimaannaangitsumik oqaloqateqarnissanut siunnersuutituti ilitsersuutitullu atornerqarnissaa. Taamaattumik Tusarnaarpakkit-mi nassuiarneqarpoq, qanoq unitsinneqaqattaangitsumik toqqisisimanartumillu oqaloqatiginninnerit ingerlanneqarsinnaasut qanorlu inersimasut eqqissisimallutik meeqqamullu piffissaqartitsillutik oqaloqatiginnittassasut. Videomi aamma takutinneqarpoq, qanoq inersimasut paasisaminnut atatillugu qisuariaateqassasut..

Videoliarititaq atorlugu Meeqqat Ikiortigit tungaanit angajoqqaat, pineqartunut sammisunik suliaqartuusut inersimasullu allat ikiorniarneqarput, ilitsersorneqarlutik qanoq iliussasut meeqqanik persuttaasimaneernik atornerluisimanernillu pasitsaassaqqartillutik.

”Pingaartuuvoq paquminartuliernerup unitsinneqarnissaa, taamallu kinguaassiutitigit atornerluineq pillugit eqqissisimasumik isumatumillu oqaloqatigiissuteqarsinnaalernissaq,” Jonna Ketwa, Kalaallit Nunaanni Meeqqat Ikiortigimi siulittaasoq oqarpoq. *”sinaakkusiussaagut meeqqat imatut toqqissisimaffigisinnaasaannik, atornerlunneqarsimanerit pillugit oqaloqatiginnissinnaalersllugit, taamatut iliornikkut pisartut unitsikkumallugit”.*

Video ukioq 2021-imut aallarniutitut saqqummiunneqarpoq, ukioq manna Meeqqat Ikiortigit tungaanit kinguaassiutitigit atornerluisarnerit immikkut suliniuteqarniaratta. Ukiup ingerlanerani Meeqqat Ikiortigit inuiaqatigiinni siammasissumik atornerqarsinnaasunik saqqummiussuisarniarpoq, pitsaaliormallugu iliuuseqarfigineqarsinnaasunngorlugulu meeqqanik innarliillunilu atornerluisarneq. Pineqartut ingerlanneqassapput ilaatigut Isumaginninnermut Aqutsisoqarfik suleqatigalugu.

”Tusarnaarpakkit” Red Barnet Grønlandip nittartagaani, Facebookikkut quppernerani YouTube-imilu tamanit takuneqarsinnaavoq, pineqartorlu meeqqanut inersimasunullu atornerqarsinnaasunngorlugulu suliaavoq.

Ugguuna Red Barnet Grønlandip suunera suliaalu takukkit: www.redbarnet.gl

Annertunerusumik paasisaqqarumasut Jonna Ketwa-mut saaffiginneqquneqarput uku aqqutigalugit: oqarasuaat 246550 imal. mail jketwa@gmail.com